

Ordenanza Fiscal reguladora da Taxa por ocupación de terreos de uso público municipal con mercadorías, materiais de construción, valados, etc.

ARTIGO 1. Fundamento Legal

Esta Entidade Local, en uso das facultades contidas nos artigos 133.2 e 142 da Constitución Española, nos artigos 105 e 106 da Lei 7/1985, de 2 de abril, Reguladora das Bases do Réxime Local, e de conformidade ao disposto no artigo 20.4.r) en relación cos artigos 15 a 19 do Real Decreto Legislativo 2/2004, de 5 de marzo, polo que se aproba o texto refundido da Lei Reguladora das Facendas Locais, establece a Taxa por ocupación de terreos de uso público local con mercancías, materiais de construción, refugallos, valados, puntais, asnillas, andamios e outras instalacións análogas, que se rexerá pola presente Ordenanza fiscal, cuxas normas atenden ao previsto no artigo 57 do Real Decreto Legislativo 2/2004, de 5 de marzo, polo que se aproba o texto refundido da Lei Reguladora das Facendas Locais.

ARTIGO 2. Feito imponible

Constitúe o feito imponible da taxa a utilización privativa ou o aproveitamiento do dominio público local con mercancías, materiais de construción, refugallos, valados, puntais, asnillas, andamios e outras instalacións análogas, de conformidade co artigo 20.3.g) do Real Decreto Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais.

ARTIGO 3. Suxeitos Pasivos

Son suxeitos pasivos desta taxa, todas as persoas físicas ou xurídicas e as Entidades que gocen, utilicen ou aproveiten especialmente o dominio público en beneficio particular, mediante a ocupación de terreos de dominio público local con mercadorías, materiais de construción, cascallos, valos, puntais, asnillas, estadas e outras instalacións análogas.

ARTIGO 4. Responsables

Responderán da débeda tributaria os debedores principais xunto a outras persoas ou entidades. A estes efectos consideraranse debedores principais os obrigados tributarios do apartado 2 do artigo 35 da Lei 58/2003, de 17 de decembro, Xeral Tributaria.

Salvo precepto legal expreso en contrario, a responsabilidade será sempre subsidiaria.

En relación á responsabilidade solidaria e subsidiaria da débeda tributaria estarase ao establecido nos artigos 42 e 43, respectivamente, da Lei 58/2003, de 17 de decembro, Xeral Tributaria.

ARTIGO 5. Exencións, Reducións e Bonificacións

De conformidade co disposto no artigo 9 del R.D.L. 2/2004 non se recoñece beneficio tributario ningún, salvo os que sexan consecuencia do establecido nos tratados ou acordos internacionais, ou os expresamente previstos en normas con rango de Lei.

ARTIGO 6. Base Impoñible

Constitúe a base imponible a superficie ocupada medida en metros cadrados ou metros lineais correspondentes a terreos de uso público, o número de puntais instalados, téndose en conta o tempo de duración do aproveitamento especial.

ARTIGO 7. Cota Tributaria

A cota desta Taxa será a que figura no anexo desta Ordenanza.

A cota tributaria consistirá nunha cantidade fixa sinalada de acordo coas tarifas contidas no anexo desta Ordenanza, atendendo á actividade obxecto do aproveitamento (valoración da utilidade que represente), duración da ocupación, o espazo ocupado (superficie en metros cadrados ou en metros lineais).

ARTIGO 8. Devengo

Devengarase a Taxa e nace a obriga de contribuír:

- Servizos non periódicos: dende a data de presentación da solicitude de concesión ou autorización do aproveitamento, se o suxeito pasivo formulásea expresamente
- Servizos periódicos: o primeiro día de cada ano natural.

ARTIGO 9. Réxime de Liquidación e Ingreso

C) Cando se trate de servizos non periódicos, no momento de presentar a solicitude de concesión ou autorización do aproveitamento liquidarase e ingresarase a taxa. En todo caso, o ingreso será anterior ao inicio do expediente de concesión ou autorización do aproveitamento interesado.

D) Cando se trate de servizos periódicos: practicarase a liquidación única anual ou coa periodicidade que se determine nas tarifas desta taxa. O cobro da taxa farase mediante Lista Cobratoria, por recibos tributarios, no período de cobranza que o Concello determine, expoñéndose dita lista cobratoria nos prazos, lugares e medios previstos pola Lexislación, a efectos de reclamacións polas interesados/Cotas establecidas e a recadación levarase a cabo mediante recibos de cobro periódico.

ARTIGO 10. Xestión

As persoas ou entidades interesadas na concesión ou autorización do aproveitamento sobre o dominio público municipal que se citan no artigo segundo desta ordenanza, deberán presentar solicitude por escrito na que se detalle como mínimo: suxeito pasivo, situación exacta do lugar onde terá lugar a ocupación (plano), superficie a ocupar, tipo de materiais ou instalacións e razóns da ocupación. O Concello, previos os trámites oportunos, autorizará ou non a ocupación.

Procederá a devolución das taxas que se esixiron, cando non se realice o seu feito impositivo por causas non imputables ao suxeito pasivo, a tenor do artigo 12 da Lei 8/1989, de 13 de abril, de Taxas e Prezos Públicos

Unha vez autorizada a concesión ou autorización do aproveitamento sobre o dominio público municipal entenderase prorrogada mentres non se presente a declaración de baixa polo interesado, a non ser que se trate de servizos non periódicos.

Cando remate o aproveitamento sobre o dominio público municipal, os suxeitos pasivos formularán as declaracións de baixa no padrón da taxa e surtirá efectos no período natural seguinte ó da súa presentación, procedendo a prorratearse por meses. A non presentación da baixa determinará a obriga de continuar aboando a taxa.

Se se realiza o aproveitamento ou utilización do dominio público municipal sen mediar solicitude, liquidarase e notificarase a taxa cando se detecte esta situación, esixíndose o ingreso nos prazos previstos nos artigos 60 e 62 da Lei 58/2003, de 17 de decembro, Xeral Tributaria, sen prexuízo de abri-lo oportuno expediente sancionador por infracción tributaria

Cando da ocupación do dominio público, poida deducirse razoablemente a posibilidade dalgún dano, o Concello poderá, de acordo co informe dun técnico municipal, fixar unha fianza para responder deses posibles danos. Fianza que será devolta unha vez rematada a ocupación autorizada, e comprobados os danos, no seu caso.

En todo caso, a tenor do artigo 24.5 do Real Decreto Legislativo 2/2004, de 5 de marzo, polo que se aproba o texto refundido da Lei Reguladora das Facendas Locais, cando a utilización privativa ou o aproveitamento especial leve aparelada a destrución ou deterioración do dominio público local, o beneficiario, sen prexuízo do pago da taxa a que houber lugar, estará obrigado ao reintegro do custo total dos respectivos gastos de reconstrución ou reparación e ao depósito previo do seu importe.

Se os danos fosen irreparables, a Entidade será indemnizada en contía igual ao valor dos bens destruídos ou ao importe da deterioración dos danados.

O Concello non poderá condonar total nin parcialmente as indemnizacións e reintegros a que se refire este apartado.

ARTIGO 11. Infraccións e Sancións Tributarias

En todo o referente a infraccións e sancións, será de aplicación a Lei 58/2003, de 17 de decembro, Xeral Tributaria, en concreto os artigos 181 e seguintes, e as disposicións que a desenvolvan.

DISPOSICIÓN FINAL

A presente Ordenanza, aprobada polo Pleno do Concello de Gondomar, entrará en vigor no momento da súa publicación integra no Boletín Oficial da Provincia e comezará a aplicarse a partir do 1 de xaneiro de ano seguinte a da súa publicación, permanecendo en vigor até a súa modificación ou derogación expresa.

A N E X O

As tarifas, para os supostos contemplados no artigo 20.3.g) do Real Decreto Legislativo 2/2004, de 5 de marzo, polo que se aproba o texto refundido da Lei Reguladora das Facendas Locais, quedan establecidas da maneira seguinte:

Actividade Obxecto de Aproveitamento	Unidade	Importe (euros)		
		Por Días	Por Mes	Por Ano
Mercancías, materiais de construción, refugallos e outras instalacións análogas	M2 de ocupación	0,24	7,25	80,54
Valados	M/lineal	0,10	3,22	28,99
Andamios	M2 de ocupación	0,10	3,22	28,99
Puntais	Unidade	0,10	3,22	28,99
Asnillas	M/lineal	0,10	3,22	28,99